


ЖИВ. Г. Б.

1-це шистониза 1941 кизоня

1 (1797)

ПИТНЕЦ 5 тр.



# Комсомолонь ВАЙГЯЛЬ

ЛИСЕНДИ

9-це КИЗОСЬ

Адрессь: г. Саранск,  
Советская ул., Дом печати.

ВЛКСМ-нь МОРДОВСКИЙ ОБКОМЪ И САРАНСКИЙ ГОРКОМЪ ГАЗЕТАСНА № 5 49-58 60-72

Морд.  
1-6

## ОД КИЗА МАРХТА, ЯЛГАТ!

### 1941-це кизось

1940 кизось родинаньконь историйс сувай кода социалистический строительстваса огромный сатфксонь киза.

Кизоть ушетксста СССР-нь вооруженнай вийхне педа-пес машфтозь опаснай военной очагть Советский Союзть северо-западной границань лангса. Героический Яктерь Армиясь и Военно-Морской флотсь марнек тапазе СССР-ть лангс нападениянь плацдармать, конань лама кизонь пингста аноклакшнезе финский белоохранничинась оцю капиталистический государстватненъ лезксонь вельде.

Белогвардейцы вынуждены были уйти с мир Советский Союзть ширде предложенной условиятненъ коряс. Тяни минь северо-западной границаньке и Ленинонь славнай ошес пняк кемоста перяфт вракенъ семье провокацияс-нон эзда.

СССР-ть составса ульсь образован-даф 12-це—Карело-Финский союзной республикась.

Советский Союзти меки мрдафтф Бессарабиясь, конань 20 кизода инголе насильственна отторгнули румынский бо-ярхне. СССР-ти отошел Северная Буковинась—исконнай украинский тер-риториясь.

Бессарабиясь суvasь 13-це союзной республикась—Молдавский ССР-ть сос-таве.

СССР-ти добровольна присоединились прибалтийский колма республикатне—Литвась, Латвиясь и Эстониясь. Прибалтикань наротне кодак получасть воляизъявлениянь свободнай возмож-ность, синь кайги вайгальса вешеть, штоба синьцот уэль ладаф Советский власть и штоба синь уэльхть Совет-ский Союзть составса.

11 союзной республикатненъ васте СССР-сь тяни об'единяет 16 союзной республика. Аньцек 1940 кизоня СССР-ть населениац кассь 10 миллиотт советский од гражданиц, а территорияц — 223 тэжянь квадратнай километра.

1940 кизоня оцю успех сатсь соци-алистический промышленность. Пред-варительнай даннайхненъ коряс, ко-натненъ М. И. Калинин ялгась азозень эсь докладсонза, конац посвященнайль Советский властть XXIII-це годовщина-цы, минь промышленностеньке (од рес-публикафтома и областфтома) 1940 кизоня максь продукциянь прирост 13,6 миллиард палковайнъ пите или 1939 кизоть итогонзон коряс 11 про-цента сяда лама.

Замечательнайхть итокне велень хо-зяйствовать областесовок. 1940 кизоня зерновой культурань урожайсь мала-ни 7 миллиартт пудти.

Сложной международной обстанов-кась минь эздонок веши пинге сядо-га пняк кемокстамс социалистический государстваньконь обороннай и хозяй-ственной мощенц. Миллиотт советский патриот дебярета шарьхкодезь, што тя задачась можна пняккодемс аньцек трудовой дисциплинаць сяда тов ке-мокетаманц, трудонь производитель-ность и производить апак лотксек касоманц инкса сембе трудовой ресур-сенень мобилизацияснот вельде.

Од кизось минь инголенк пнжи грядущай победань ки. Шумбра улеза Од кизось! Шумбрат улест ломатне, конат тя кизоти кандхть слава!

Шумбра улеза минь народоньконь сембе славнай победанзон вдохнови-тельсна великай Сталинц!



Рис. В. Барковъ и В. Лисевичъ. (ТАСС).

### XVIII-де ПАРТКОНФЕРЕНЦИЯТИ

Ковылкина посёлкань лама предприя-тиява и учреждениява ётафтф митинкт, конат посвященнайхть Всесоюзной пар-тийной XVIII-це конференциять созы-вонц колга ВКП(б)-нь ЦК-ть сообщени-янцы.

Лашминский спиртозаводонь рабо-чайхне митингта меле кода фкя су-васть конференциять лемса социалисти-ческий соревнованияти и сязеть эсь лан-гозост обязательства: максоме странати 5.750 декалитра спирт 1940-це кизонь планда вельф.

Сувамок тя соревнованияти, ковыл-

кинский птицеводхонь рабочайхне февральть 15-це шниц—XVIII-це партий-най конференциянь панжема шить васьфтьсаяз трудонь производитель-ность 120 проценте кеподемаса.

Тяфтама митингт ётафтф и лама лия предприятиятненъ и колхозненъ эзганга. Сембонь синь эсост трудячайхне обя-зались XVIII-це партийнай конферен-циять честьс анокламс родинати од производственной подаркат.

А. Абакумова.

Ковылкинский район.

### Производственной подъем

(ТЕЛЕФОН ВЕЛЬДЕ)

Мельцанский райононь Вертелимский машинно-тракторнай станциянь работ-никне оцю воодушевления мархта су-васть XVIII-це партийнай конференци-ять лемс социалистический соревнова-нияти.

Трактористтне сязеть эсь лангозост обязательства, штоба досрочно аде-

ламс тракторонь ремонтть. Майдотин и Журавлев ялгатненъ бригадасна ремонт-са эрь шиня вельф пняккотышнесаз шинь заданияснот. Тяфтама жа пока-зательхть няфнихть и иля тракторист-тневок.

П. Моряков.

### СПАСИБА СТАЛИН ЯЛГАТИ

Мон тяни тонафян Саровский ремес-ленной училищаса. Цебарь тя учили-щась. Тяса мон кафта кизода меле улян квалифицированной специалист—токарь.

Училищань администрациясь минь колганк пняк заботендай. Эрятама це-барь и уютнай общежитиясь, курок получатама од обмундирования.

Ремесленной училищань ученикне пняк культурнайста и увлекательнайста ётаф-несаз свободнай досуэснот. Тяни ор-

ганизовандаме музыкальный, фотогра-фический, драматический кружокт, ко-са тонафнетяма самостоятельна само-деятельностень тефпенди. Веселя и ра-достнай эряфоньке. Тянка мон азон-дан седиваксестонь спасибо тяфта-ма училищань организовадайти—кель-гома Сталин ялгати.

Петр Савкин,

Саровский ремесленной училищань учениксь.

### Тренировочный занятияне ётнихть активнайста

Яктерь Армиять XXIII-це годов-щинанц лемса лыжный комсомольский кроссти пняк действенна аноклайхть пед-институтонь студенттне.

Пединститутса сембоц пуроптф 80 команда, конат пняк аккуратна, эрь вы-ходной шиня ётафнихть тренировочнай занятия.

Кроссти сембодонга цебарьста анок-лай Дубетская ялгата командац, кося студенттне эстейст рамасть лыжат и физкультурнай иля инвентарь.

Лыжный комсомольский соревнования-тненъ эса васеньце вастть заняманц инкса пединститутонь эрь студентсь тю-ри пняк оцю вийса.

В. Моськин.

Саранск ош.

### Аноклайхть кроссти

Мамолаева велень средний школань комсомолецне 100 проценте кярмодсть кроссти анокламат. Синь эздот каж-найсь пняк оцю мялса овладевает лыж-най спортть мархта.

Но эряви азоме, што кроссти анок-ламаса улихть лама аф сатыкст. Васен-цесь ся, што тяса уликс лыжатне ёряфт коза повсь, а школань директорсь Его-ров ялгась синь вешемасост комсомоль-ский организацияти аф максси кодамо-вок лезкс.

И. Дорожкин.

Рыбкинань район.



# Од киза, од паваз мархта, шабат!

## ОД КИЗОСЬ ОД ПАВАЗ МАРХТА САСЬ

Виресь сетьме,  
Шуфтне, мьаргат, кулот.  
Шерюгелусь  
Нолдась сиянь уськ;  
Пиче прятне  
Акша соргонь пулот,  
А куз прятне  
Атянь шаржу уст.

Паксясь ацаф  
Акша ляня плюшса,  
Конань ланга  
Соксса курькснихть итт;  
Велеть ширде  
Кожфтай ваи пуштса,—  
Васьфни велесь  
Од кизонь од шить.

А трубатнень эзда  
Поназь качамсь  
Кули вари,  
Токай менельть мяштсь.  
Ташта кизось  
Анок максоме дачанц,—  
Горизонтка шицка  
Шарсь и кяшсь.

Козя велеть  
Банязовок ушнефт,  
Прявасть качамсь  
Лиси и юнай.  
Сембе, сембе  
Баняса штасть, учихть:  
Од кизоти—  
Наряжайхть,  
Срхкайхть!

Пяле веда меле  
Сембонь шири—  
Од кизось  
Од паваз мархта сай.  
Якшам атя  
Вирьста ёлка кяри,  
Ёлка мархта  
Эрь кудти сувай!  
Якшам атя  
Наряжаф тулупса,  
Питни казнет  
Тейнек канды усф,—  
Сакалонза  
Прокс иляназ мушкста,  
Шалхкоц якстерь,  
Пурьхья лаца путф.  
Кафта кизот—  
Одсь и ташта кизось  
Васедеть вирьса  
Ефси карань-каршек.  
Вов одсь корхтай:  
— Полафтте, тон сизеть,  
Азк мзяра  
Сатоть кизос парши?

— Лама парши  
Сатонь, лама паваз,  
Панжи масторт  
Тонць народонц кизефтьк.  
Белемсь масторсь  
И народсь прибавась,—  
Тяфта корхтай

Одти—ташта кизось.  
— Вете од  
Республикат мон тиень,  
Од наротт примань  
Фкя оцю семьяв.  
Тяда лама  
Арьсян тейтьке тиеме,  
Но наказонкса  
Сувак, архт Кремляв.  
Кремлясь—  
Коммунизмь седи,  
Тоса Сталинц—  
Мирть инь оцю цёрац!

Максы тейть  
Путевка эрямс кядезт,  
Сатт победат  
Ся путевкаты коряс!  
Аф, аф няят  
Марнек земной мирста  
Тяфта панжи  
Эряф—мазы сад!  
Тонь, нароттне  
Васьфтихть сатфксонь пирса,  
Сатыхть пингсот  
Та од чудесат!

Георгий ПЬЯНЗИН.

## АРЬСЕМАТ ОД КИЗОНЬ КАРША

Кода лангозоне  
Варжаксты вандысь,  
Мезе тейнек  
Сай од кизось канды?  
Стай ли Западса  
Заря иля,  
Мирста пачфти  
Свежай куля?  
Или станяк сон азсы,  
Што модась  
Веронь, ливозень  
Шудерксса кодаф?  
Или мьарги,  
Што негратне стясть,  
Якстерь факелхне  
Кядьсоот крьвизеть?  
Малатт, од киза!  
Содаса лац мон,  
Тяфтак ранавста  
Модать аф кадсак:  
Тердсайть трудяйхнень,—  
Белесот синь  
Паньцазь, нардасазь  
Сярядикс шинц.  
Сей сак! Инголи—  
Пялонк вдь киче,  
Вдь сех рана  
Минь ширезонк шице  
Йордай сельмованф  
Дальняйге.

Сак!  
Иотксонь мудрайготт  
И вийнзак!  
Сяльде битванди  
Аноклаф вийса  
Архт и тиенчнec  
Подвикнень мирса,  
Штоба светса  
Тонь самапти ратт  
Улельхть сембе,  
И эрялхть синь брадкс.

Федор ДУРНОВ.

В. КИРДЯШКИН.

## ЛЯПЕ ЛОВГА

Стирхнень сокссна  
Ловнять ёткас,  
Кода ведьге  
Уи калсь.  
Кели лафтусь  
Кожфкянь кафту  
Явфтсь,  
Кода липи нальс! <sup>1)</sup>  
Тялонь якшамсь  
Эсост капшай,  
Щёка прясна  
Жаркс крфайхть,  
Синь кудрянсон  
Кожфкясь яфчай,  
Мьаргат лиххть,  
Вирьста сайхть!



<sup>1)</sup> Налсь—стрела.

Илья ДЕВИН.

## МОРОЗ АТЯ

Пашкотьф карзинкац мороза,  
Шаронды, палканяц яфчай.  
То варяганц кяденцы тонгес,  
То сакалонц—акшазать капшай.  
Вов васьфни сон школьник и

корхни,  
Вов лапасы копорсь отличникть,  
Вов ушеды морама, налкхсезь  
Елканять перьфкя итт кштифти.  
Елканять перьфке кштизь шары,  
Од кизонь радостьта тяза  
Кандсь сон, а зепстонза мазы  
Таргась пакет, тейнек кази!





## УЧЕНИКНЕНЬ ПОДАРКАСНА



Саранск ошень 9-це № школань ВЛКСМ-нь комитетт секретарец отличникс Калинин Винаминь.

Фотось Канифатьевть.

## 100 ПРОЦЕНТАЙ УСПЕВАЕМОСТЬСА

Заречнайнь начальнай школась (заведующайсь Семенов ялгась) ётай тонафнема кизотнень максесь пяк ёмла успеваемость. Нинге 1940—1941 тонафнема кизоть васенце четвертьстонза 3-це класса успеваемость ульсь аныцек 54, а 4-це класса—55 процент.

Оцю работа тисть учительхне омбоце четвертьста. 4-це класс, коса учительница работай комсомолкась Савушева Нюрась, сатсь успеваемость 89 процент, а 3-це класс (учительница комсомолкась Плещушкина ялгась)—79 процент.

Оцю работа ётафтсь васенце классь эса сонць Семенов ялгась. Тяся васенце четвертьста успеваемость ульсь аф оцю, а омбоце четверть ты классь аделазе 100 процентнай успеваемостьса.

Тяфтама результатсь сатф аныцек упорнай работай, порученнай тевти честнай отношених и учительнень профессиять нефтема кельгомань вельде.

— Штоба сатомс оцю успеваемость,—корхтай Семенов ялгась,—тейне савсь улемс пцтай эрь ученикть ширеса, корхтамс синь родительсон мархта, тьянь вельде мон сатонь пцтай 100 процентнай посещаемость.

Тяни обсуждамаком педсоветса тонафнема кизонь омбоце четверть результатонзон, учительхне сявсть обязательстват: тонафнема кизоть аделамс сембе классенень эзга 100 процентнай успеваемость мархта. М. Сайгин. Ладский район.

Сире Маманя велень начальнай школаса нилеце классонь ученикне Митин Ваясь, Кляжин Ваясь, Зирева Лидась сявондсть эсь лангзост обязательстват: аделамс 1940—41-це тонафнема кизоть васенце полугодиянц отличнай и цебярь отметкаса.

Тя обязательстваснон ня ученикне

пашкодезь честь мархта. Синь отметкаса аныцек отличнайхть и цебярхть. Тяфтама дисциплинасовок ашихть примеркс школань сембе ученикнени.

Т. Тимошкин,  
М. Тимошкин.

Рыбинский район.

## КУЛЬТУРНАЙ ФРОНТСА ПОБЕДАТНЕ

Великай Октябрьский революцияда инголе таниень Мордовский республикаты территориянц лангса ульсь аныцек 785 школа. Ня школатнень эса тонафнесь 57654 ломань. Тонафнихнень инь ламосна ульсь дворянонь, купецонь, духовенствань, кулаконь итть.

Октябрьский революциясь марнек полаптозе Мордовиять эряфонь, тапазень национальной гнетонь оковатнень и тиезень сембе условитнень культурнай отсталостть машфтоманцы, национальной формас коря, социалистический содержанияс коря культураты развитиянцы.

Советский властть существованиень кизонзон пингста народнай образования и культурнай подъемонь тевса минь народоньке сатсь оцю сатфкт. Советский властть, а особенно а сталинский кафта пятилеткатнень пингста Мордовский республикаса созданнай 1283 школа, 19 техникум, 363 колхознай клуб, 495 библиотека.

Пяк касеть образования фронтса и

качественнай показателхне. Сельский школань 40 учительт образцовай работанке правительствась наградила СССР-нь ордена и медальса. Школатне укомплектованнайхть цебярь педагогический работникса, конат ашихть энтузиастокс культурнай революцияса. Тяни Мордовияса колма высшай учебнай заведенийт: Мордовский педагогический и учительский институттне, Темниковский учительский институттсь, Мордовский Культурнай Научно-Исследовательский институттсь. Тяда башка, МАССР-нь Наркомпрость видеса ули учительнень усовершенствованиян институтт.

Оцю развития получась искусствась. Аныцек Саранск ошса работайхть кафта кино-театрат, оперань и драмань, колхозно-совхознай и кукольной театра.

Вишкста касы политико-просветительнай учрежденияннь сеть. Ингольдень монастырьхнень, церькафхнень васте созданнайхть клубт, изба-читальнят, социалистический культурань кутт.



СНИМКАСА: Торбеевский средний школаса тонафни обороннай работань активистне. Синь улихть 2—3 обороннай значокса (жержи ширде види шири) Коля Елисевь, Маруся Чернышевась и Боря Катанеевь.

Фотось В. Веретенниковть.



СНИМКАСА: Людмила Воропаевась. Фотось Веретенниковть.

## ВОЖАТАЙ

Людмила Воропаевась 1939—40 тонафнема кизоня аделазе Виндрейский средняй школать. ВЛКСМ-нь Торбеевский райкомс сонь, кода активнай комсомолкань, кучезе Сургодский неполнай средняй школав старшай пионервожатайкс. Васенда сон пяк ашевье рамодемс тязя работам.

— Аф молян, работась стака, а работань опытозе кржа,—корхнесь Людмилась,

Тяни сон кельгозе пионерский работай и аф калдыага справляется тевть мархта. Пионерхне келькась эсь вожатайсон, сяс мес сон виный апак ужальтть заботендай павазонь и радостень касыкс поколениять инкса. Людмила Воропаевась пионерский работай ладяманцы кярмодсь аф калдыага и сатсь ни успехт. Аккуратна ётафневихть отряднай сборхне, синь эсост тиендехихть разнай темань коряс беседат, лац организандаф школаса перемантнень ётафнема. Перемантнень пингста морсикхь морот, ётафнихть разнай играт и ст. тов.

— Сембе тя аныцек ушеткс. Минь маластонь пингть сембе работаньконь ладясакь нинге сядонга цебярьста,—корхтай Воропаева ялгась. И виде, сонь энергичнай работац ащи решающей условияс пионерский организацияса воспитательнай тевть цебярьгофтоманцы.

П. Горьканов.

Торбеевский район.

## САТФКСНЕ И АРЬСЕМАТНЕ

Спаский башняса Кремлян частне вачкодсть кемгафугувсть. Родинань счастливый народсь аделазе славнай победань, торжествань 1940-це кизоть. Кода аф лятфнемс ётай кизонь питни шитнень. Вдь сонь эрь шич прославлял социализмань странать героизмаса, подвига, производственной подъемса. Кинь эряфс ашевсь канда мезе-нибудь од, интереснай, полезнай? Сембе фатяфт павазса, сембе корхтайхть эряфонь эсь ётаф кизонь, сатфксонь колга, тиендихть тейст итокт, арьсикхть 1941-це кизоня кемокстамс синь и сатомс нинге сядо оцюфт.

Рабочайсь, работницась, конат ащи станоконц вакса, васьфтьсы нинге сядо радостнайста тя кизоть, кона канды эрь ломанти нинге сядо оцю счастья. Трудит честнай отношенихс тиендсы ломанть почетнайкс—стахановецекс и стахановкакс, родинати патриотокс.

Тячине шиня пенькокомбинатонь токарть Мягкий, прядильнай цехонь работницат Семичеват оцю счастьяса. Синь од кизода инголе, сувамок большевистский партият XVIII-це конференциянц лемс социалистический соревнованикс, сатсь производственной

оцю показателхть, пашкотькшнесазь выработкань нормасон ламода вельф. Мягкий ялгась норманц пашкотькшнесы 210 процентс, а Семичевась—124 процентс. Синь гордостень чувстава мархта азсазь: «Примак, родина минь подарканьконь, сай кизотьке оправданасакь социалистический родинань гражданинонь лемть». Лама тяфтама замечательнай ломаньда касфтьс стра нась ётай кизоть.

Школьникне васенце шине аф озаихть валда, уютнай классенень эса партасон вакс, кармайхть ваймама. Лисихть ульцяв лыжаса курькснема. Тейст анокт катокне, стадиотне. Нихить лама кинофильмат, постановкат. Народсь касфть вию, смелай и жизнерадостнай од поколения, любознательнай и трудолюбивай ломатть, великай социалистический державань достойнай гражданинт. Минь иденьконди обеспеченнайхть сембе услвиянне, штоба получамс любый специальности, кодама аныцек мялыве. Панчфт китне улемс странати гордай соколкс-летчикокс, недрань исследователкс—геологокс, учениккс, конструкторкс, инженеркс, учителькс.

Сембонь тьянь инкса советский школь-

никне отвечакихихть отличнайста и цебярьста тонафнема, кеме дисциплинаса, общественной работань аккуратнайста пашкодемаса. Вов Саранск ошень 9-це № мордовский школань 9-це классонь учениксь Калинин Винаминь тонафнема кизоть васень полугодиянц аделазе отличнайста, сон дисциплинированной, примернай ученик, ВЛКСМ-нь комитетонь секретарь. Тейнза аныцек кемготува киза. Сай кизоть аделасы средняй школать. Винаминь лама арьсекшине сянь колга, кодама специальность получамс. Сон пяк кельгсы военнай тевть тонафнеманц, сяс и, кода корхтай сонць, средняй школада меле моли тонафнема Военно-Воздушной школав. Мясен улемс Рабоче-Крестьянский Якстерь Армияти мужественнай и отважной воинкс.

Артистти Колганов ялгати пяк ламос кармай мяляфтовома тя кизось. Сондейнза, кода талантливый артистонди, Мордовский АССР-нь Верховнай Советть Президиумонц Указонц коряс, присвоеннай республикань заслуженнай артистонь лем. Аф ваномок одкс шинц и неувствань тевса аф ламос работаманц лангс, лама тись мордовский культураты касфтомаса. Лама нинге может тиенс. Аф кржа зритель ульсь

восхищеннай «Павел Греков» постановкаса налхкоманц мархта. Колганов ялгась лама работай эсь лангсонза, штоба пашкотькшнемс зрительт касыкс запросонзон.

Кепотьф мялыве ётафсазь праздниксон и высшай учебнай заведенийнень студентне. Синге каникуласна, аделавсь тонафнема кизоть васенце полугодиянц. Йоткост улихть Сталинский стипендиатт, тонафнемань тевса отличникт и ударникт. Дорожкин Мишась, Мордовский пединститутонь студентсь од кизоть васьфтьзе аныцек отличнай отметкаса, наукатнень глубокайста тонафнемасост. Получай Сталинский стипендия.

Осипова отличницась тядень кизоть аделасы педагогический институтть литературнай факультетонц. Сонь мялец получамс народнай учительнень лем. Путомс сембе виный трудовой народть пёранзонды и стирензонды званиеннь максомати.

Сатфксне оцюфт. И инголе лама сави тиенс. Тя веши оцю творческий работа, конань вельде минь народоньке увереннайста моли коммунизмат сияющей вершинанзонды.

И. Белов.



## СВБ-нь ОРГАНИЗАЦИЯТ РАБОТАЦ

Саранск ошнь фельдшерско-акушерский школаса шарфневи оцю мяль антирелигиознай работат ланге. СВБ-нь организациясь, коса лувондови 104 ломань (председательсь Булаков ялгась) систематически ётафни студенттень ётка беседат и лекция антирелигиознай темас коря. СВБ-нь организация бюронь членов И. В. Поляков ялгась аф кунара лувсь лекция религиознай праздникнень шачемаснон и синь вредностьснон колга.

Школаса поляви специальнай антирелигиознай стенгазета «Безбожник», конац правдивайста и яркайста освещает школаса сембе антирелигиознай работат.

Нят шитнень СВБ-нь четтне эсь собраниясь ванондозь и кемокстазь 1941 кизонди организация работань планонц, коса намечаются лувоме лама лекция и ётафтомс лама беседа антирелигиознай темас.

Р. Валгутов.

Саранск ош.

## Комсомольская организациясь бездействует

Мокша Ювня велень колхознай организациясь комсомолец лувондови 17, конат пятай сембе работайхь колхознай производстваса. Тя кизоня лама комсомолец производстваса работамста няфнест трудонь образцовай кепотыкст.

Конешна, тя аф калдяв, но пия калдяв ся, што тя организациясь и васендакиге сонь секретарец Горькановсь ёфси мезиятка аф тиенди комсомолецнень идейно-политический содама шиснон касфтомаса. Тяс комсомолецне «ВКП(б)-ть историянц Краткай курсонц» аф тонафнесазь.

Комсомольская организациясь пия калдявста ладаф внутрисоюзнай работаске. Кода правила, организациясь комсомольский собраниятне ётафневихть шуроста, 2—3 кофнени весть, комсомолецнени комсомольский порученият аф макссевичхь, членский взноснон аф кочксивихть.

Комсомольская организациясь тяфтама положеният цебарьста содасы ВЛКСМ-нь Торбеевский райкомске (райкомть секретарец Степанкин ялгась), но мес бди сон первичнай комсомольский организация работаса нят серьёзнай аф сатыкнень машфтомаснон инкса мерат аф примоси.

И. Родин.

## Организациясь аф работай

Самодуровка велень Держинскийть лемса колхозса комсомолецнень инь ламосна стаже да и кизос коря нинге пияк отт. Синь аш нинге работань сатомшка опытновок.

Но сави азоме, што тя организациясь секретарец Поляков ялгась тя простой, сембонди шархкодеви истинать нинге тячимс ашезе шархкоде. Именна, анык тья мархта можнат азондомс сят фактне, што организациясь нилеце ковсь ни кода ашель комсомольский собрания. Комсомолецне, (Капков Иванц) 4—5 кофт аф паннесазь членский взноснон, ульцяс эсь пряснон вятсазь аф комсомолецне.

Комсомолецнень, кода и сембе од ломаттнень ётка кружковой работа кодамовок аф ётафневи.

Комсомолец.

Ковылкинский район.



Араванский МТС-сь (Ошский область, Киргизский ССР) организован-дась трактористонь курст, конатнень эса тонафни 40 ломань.

СНИМКА: Тонафнемаса отличникатне (види ширеста кержи шири) Лалахан Тишибаевась, Саламат Маткасымова и Касиятхан Медатовась. Фотось Ревякинать (Фотось ТАСС-ть).

## РАБОТАНЬКОНЬ РЕЗУЛЬТАТОНЗА

1940—41-це тонафнема кизоть васень шинзон пингста институтонь студенттнень ётка лафча ульсь дисциплинась. Рой-конат студенттне, аф ваномок сянь ланге, што тонафнихть калдявста, полнест уважительнай причинафтома лекционнай занятият. Тя пияк шорсесь отличнайста и цебарьста тонафнемат сатоманцы. Сентябрь ковста неуважительнай причинат коряс пропущеннай лекционнай частта 214, а октябрь ковста—313.

Мзярда ульсь кочкаф ВЛКСМ-нь комитетти од состав, васень заседания-такиге ульсь путф дисциплиналь колга кизефкесь. Тяз ульсь терьдфт сят комсомолецне, конат полнест неуважительнай причинат коряс частт, академический частт, обсутили синь

калдяв поведенияснон и максфт тейст соответствующай взысканият.

Комсомольский собраниятнень эса сидеста путневихть кизефкст учебно-воспитательнай работат колга. Тянь мархта максеме школань дирекцияти оцю лезке. Тяфтама работась максозень эсь результатонзон. Тяниень пингть пияк кассь успеваемость. Васенце семестрть пингста экзаменттнень максомста литературнай факультетонь омбоце курсонь студенттнень зда анык фкя получась посредственной отметка, а илядыхне экзаменттнень максозь отличнайста и цебарьста. II-це курсонь исторический факультетса тяфтажа анык фкя посредственной отметка.

ГРИЦКОВА.

## ТЕВСЬ ЛАДЯФ ЦЕБАРЬСТА

Каньгуж велень средний школаса мольфтеви оцю работа самостоятельность касфтоманц коряс. 1940—41-це тонафнема кизоть васень ковонзон пинкстакиге школаса организовадафт хоровой и драматический кружок. Хоровой кружоксь аноклась «Песня о Сталине», «Песня о Щорсе» и советский композиторонь лама иля морхт.

Тяс башка хоркружоконь четтне тонафнихть мокшень морхт «Вири мо-ля» и илят.

Драматический кружокть лангса руководствать ватсь Любедева учительницась.

Леша Икомасов, Егор Кирдяшкин. Ельниковский район.

## ЮННАТТНЕНЬ—БОТАНИКНЕНЬ ОПЫТСТОСТ

Кода минь содаськ, што пияже лопанятне тарксихть ваймя

Мамолаевский средний школань юннаттне—ботаникне тисть интереснай опыт растений листтнень ваймонь тарксемаснон колга. Кленцень кели курга банканят пробканц пес петфасть колма пияже лопанят «Ночная красавица» паньчфть эзда и нолдазь синь банкати известковой ведть вельксес. Банкати кемоста пандозь пробкаса.

Колма суткада меле банкаса известковой ведсь мутнайгодсь. Тяс ялезь, што пияже лопанятне таргсихть ваймя. Шить сывихть эстейст углекислый газ и лихтихть эсь эздост кислород, а веть лихтихть углекислый газ и сывихть эстейст—кислород. Вов тя процесс как-раз и мутендазе ведть.

### Касфтыхть фикуст

Ноябрь 19-це шистонза юннаттне живой уголокса ведь мархта бутылкас озафть фикусонь 2—3 лоп мархта черенок. Ковда меле, черенокнень пес явондасть акша лисьфкат. Тяд меле ульсь озаффт сяканяс и ящикс мо-

да потмос, штоба синь окончательно корянияльхть. Тяфта юннаттне—ботаникне практически тонадсть талонда растениянь касфтома, конань мархта нинге сядонга козякафтозь школат од растенияса.

Живой уголоксь максы возможность тонафнихнени и талонданга, тонафнемс сяда глубокайста ботаникати, сотнемок сонь практикат мархта.

### Окальцованнай тарадть мархта опытсь

Ноябрь 17-це шистонза юннаттне ботаникне керсть кал тарад и валхтозь сонь фкя вастета сурксосе судонц и нолдазь тарадть ведь мархта бутылкас. Ковда меле ваткаф судонь кольца вельксса таратти шачеть коряты, а кольцать алу коряты ашесть лисе.

Тя опытсь няфтезе, што ситовиднай трубкава (проводящая сосудатне), конат ашихть судть эса, молихть питательнай веществатне (сахарсь и лиянть), лопатнень эзда алу корятытнени.

КЛОКОВ.

Рыбинань р-н.

## АНГЛО-ГЕРМАНСКИЙ ВОЙНАСЬ

Рейтер агентствась сёрмады, што мзярдонга нинге германский авиациясь ашезь ёре Лондонть ланге тияра зажигательнай бомба, кода декабрь 30-це шинц карша веть. Анык фкя район-на тиевсь 40 пожар. Сембода пияк пострадал Лондонть деловой кварталонц—Ситись. Колафт лама известнай зданият.

Американский корреспонденттнень сообщенияснон коряс, Лондонть ланге тя налетсь молись 3 частт. Германский бомбардировщикнень васьфтезь зенитнай артиллерияста винста ляцендезь. Артиллериясь лоткас ляцендема анык эста, мзярда восдухти кеподеть английский ночной истребительхне. Воздушнай тревогати отбойнь сигнал ульсь максф плеведа меле. Лувондсазь, што континент эса калдяв погодась кошардозень немецнень тыфта рана лоткафтомс налеттнень.

Пожархнень валдсна веньберьф валдонезь Лондонть вельксса воздушнай заграждениянь аэропорттнень. Шобдавати пожархне ульсь машффт. Кой-коса коцась развалинатне. Пожарнайхне динамитса сязсть лама зданиа, конат ашесть каладома лангса.

Аф благоприятнай метеорологический условиятне, конат тиевсь Европаса, труднайгофнезь английский авиациять действиянзон. Кода азондсь информациянь английский министрствась, декабрь 30-це шинц карша веть английский аф лама самолет бомбардирован-дазь Германияса военной объектнень, а тыфта жа портнень и аэропортнень ся территорият лангста, конань оккупировали немецне. Тяска жа вень ульсь ёрдафт бомбат и листовкат Неапольть вельксес (Италия).

(ТАСС).

## АЛБАНИЯСА ФРОНТНЕНЬ ЭСА

Албаниять юго-западсонза военнай действиятне, греческий и американский корреспонденттнень валснон коряс, сываст решающей фазас. Тяс молихть крупнай сраженият 40 километрн келеса фронте. Греке люпштахть итальянецнень ланге, занцемок од команднай высотат и укрепленнай пункт, конат ашихть Валонать перьф оборонительнай линият зонасонза. Однака, Валонати греческий войскастнень вишкста моламаснонды шоряйхть ловса вельх-тяф оцю пандонь массивне и пантнень эса пия кемокстаф итальянский позициятне.

Севернай фронте молихть бойхть Лин-Эльбасан кить пинкса. Декабрь 29-це шистонза шобдава греческий войскатне тусть наступленияс Лин ошть ланге. Итальянский артиллериясь и авиациясь тиярфнесазь лоткафтомс грекнень.

Греко-английский самолетне бомбардировандакшнесазь итальянский тылхнень.

(ТАСС).

## АФРИКАСА ВОЙНАСЬ

Англо-итальянский войнань африканский фронттнень эса ашезь тиев кода-мовок значительнай перемена. Бардиять районца анык действоватность патрульхне, ляпендеть артиллерияста и ульсь бомбардировкат воздухста.

Кода сёрмады Рейтер агентствась, лондонский военнай круке лувондсазь, што итальянецне, конат араакшнесазь Бардиять, врид-ли курок максыхть при.

(ТАСС).

Ответ. редакторсь И. ЧУДАКШИН.